

www.BibleForChildren.org

Matayo 8




Muaze wa kakai heelo elha ya kudori he muang'a wa Kana uaha he idi la Galilaya. Alhii Yesu nau eereaha are. Yesu hawe na vahina kuu navo veerarikwe heka elha.



Divai ireavakhitia, alhii Yesu ekamba muinyi kuu,
"Vaakhitiwa ni divai." Alhii Yesu, ekavaba vazasughawe
va are ana veeaha to, "Cho enemubaiya muboi boini."



Yesu ekavaba hu vanyamalo, "Hutini ka madondo mai." Vekahuti ka madondo sari yekahu. Niho ekavaba hu vazasughawe, "Bukuni iji mai mumtiye mgiru wa elha."




Vekamtiia ka mai, hu mgiru wa elha areagali ka mai
ekaaho yaakhwa divai. Teeiliye ite ka divai ilie nale,
mira hu vanyamalo vebukhue
hu mai veeilie.



Niho mgiru wa elha ekamse hu mzadori khakhera,
ekamba, "Vahe khabuna vegu ini divai kulho, vagalho
varaawaha sari vaengeli
vetagera hu divai esikulho.
Mira ari ukee hu divai kulho
sari waijiji!"





Ya nee kimako cha bosi cho Yesu eboie, eechiboie are
he muang'a usewe Kana uaha he
idi la Galilaya. Kwato
ekaaia lumuruisho,
na vahina kuu
vekamdarisha.



Yesu areahe ang'a hakwe Petro, ekamhelha lage
mkora wakwe Petro ebodie he muhasi
naho eelo ihoma.



Yesu ekamdoa muheregha ka mlage, naka mlage ekau ekauma, ekamanhuiya viaghu Yesu.



Hachamakheri kaaze kareafili, vahe vekamgeria Yesu varukhao vakhabuna na vakhabuna velo mapepo. Vahe vakhabuna he muang'a vekabunguru gahana he luhige Iwa minda yakwe Simoni.




Yesu ekavauti vahe vakumure veekuru marukho kini
makhabuna na kuyagu mapepo makumure. Mira
tevadumuije kuyo kigi kwaite yeremuile ite u niji.



Wato oto vekahe vahe vahai, vemtiye mheeholoje
kalo Yesu amuuti.



Kwaite vahe ne vakumure,
vekakwasiwe kumtii hagi Yesu
eaha. Vekabovora ana
heminda vekambuija ka
mheebodie he mhasi
hodi Yesu eaha.




Yesu areaakho kudarisha kini, ekamba ka mheeholoje,
"Muinyi gho, wakaaiwa
makusa kechi." "Nakubao
ka, dori mhasi kechi
uso ang'a kechi!"



Yesu eebuiye he mashua, vahina kuu vekamliaha. Wato
oto hekakhwa na nkunkunho
girusha ata heiziwa, niho hu
mashua ikatahe sina kufili
za hemai, mira Yesu
eekhwae eie luireno.



Yesu ekavaba, "Kune mulo kudaraisha kugitutu,
'Kwaakhoni mubugheno?' Niho ekaka ekaiba huu
nkunkunho ya mai taa nakawe, vikhabuna vikataa." Hu
vahe vekamaka, vekuba, "Ni muhe wa
mbari mina ya? Sari nkunkunho
ya mai na iziwa vimko."



Kwaite Kiumbi eevadumue vahe va
idi, sari ekamgu Muinyi kuu salaghe,
kalo kira muhe emdarisha asilaha
mira akhwa na uzime wa
maaze makhabuna.

40

60



Yohana 3:16,17 Kwaite Kiumbi eevadumue vahe va idi,
sari ekamgu Muinyi kuu salaghe, kalo kira muhe emdarisha
asilaha mira akhwa na uzime wa maaze makhabuna.
Kwaite Kiumbi temsughae Muinyi kuu avazamari vahe va
idi, mira eemsughae Muinyi kuu kuvagu vahe va idi
kuli he makusa.



Matayo 8-9; Mariko 1-2, 4; Luke 4, 8; Yohana 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Mbugu NT (mhd) @The Word for The World International
and Mbugu Language translation, 2025. All rights reserved.

©2026 Bible for Children, Inc.

www.M1914.org

www.bibleforchildren.org

